



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

50. Maximiliani Regis Rom. & Philippi Austriaco Burgundi Filij, Ducum Luxemburgensium, Protectorium Brugis Datum, Anno MCCCCLXXXVII.

**urn:nbn:de:hbz:466:1-14268**

ascendere, quæ res cum non tantum sint in præiudicium prædictæ nostræ supremæ Iurisdictionis, verum etiam omnimodè cōtra nos & commune bonum præfatæ nostræ ditionis Luxemburgensis, & omnium eiusdem ditionis nostræ incolarum & Communitatum, quodque hæc omnia (vtri informati sumus) vltèrius extendi possint nisi occurramus. Atque eapropter dilectæ & fidelis cognate cum nullo modo velimus aut cogitemus hæc sufferre aut tolerare ab isto Archiepiscopo Treuirensi, vt se ipso facto ita declaret tanquam nostrum hostem & aduersarium, & in dies conetur pro suo posse nos, nostram ditionem, Iurisdictionem, nobisque addictos amicos, fautores & subditos violentia, ac aliter commune bonum præfatæ nostræ ditionis impedire, etiam septa erigendo & ad angustiam Mosellæ flumen reuocando, quod sanè indubitanter nostræ summæ Iurisdictioni repugnat. Scribimus modo vobis & volumus ac præcipimus etiam expressè, vt illico his acceptis colligatis maximum numerum nostrorum militum, æquè eos de Lignana, quos existimamus iam esse in ditione nostra Luxemburgensi, quàm alios, etiam eos, qui ex nostra præpositura Theonivillana, Pratura Remigensi, Regiomachernsi, Greuenmachernsi, Dominio Berburgensi, vestris subditis & vicinis, sicque vos conferte ad illum locum, vbi septum illud erectum ac positum est, illudque solo æquate destruite & dissipate, tollite è terra funditus extrahite omnes arbores & palos qui in Mosella ibidem infixi, ita vt nihil remaneat, & nullum isthic supersit cuiuscunque impedimenti vestigium. Et in hoc nullus sit defectus, nam ea est nostra voluntas, dilectæ & fidelis cognate Dominus noster vos conseruet. Scriptum in nostris castris ante Nouesium 27. Februarij Anno 1474. Ita subscriptum:

Charles

Paulo infra signatum N. Ruter. Et à tergo, Ad nostrum dilectum fidelem cognatum, Conciliarium, Camerarium & Administratorem vel Locumtenentem in nostra ditione & Ducatu Luxemburgensi Dominum Claudium de Neuechatel Dominum in Fay.

50.

*Maximiliani Regis Rom. & Philippi Austriaco Burgundi  
Filij, Ducum Luxemburgensium Protectorium Brugis  
Datum, Anno MCCCCLXXXVII.*

**M**AXIMILIANVS diuinâ fauente clementiâ Romanorum Rex semper Augustus, & Philippus eâdem clementiâ Archiduces Austriæ, Duces Burgundiæ, Lotharingiæ, Brabantiæ, Limburgiæ, Lucemburgiæ & Geldriæ, Comites Flandriæ, Tirolis, Arthesiæ, Burgundiæ, Palatini, Hannoniæ, Hollandiæ, Zeelandiæ, Namurci, Zutphanæ, sacrique Imperij Marchiones ac Domini Frisiæ, Salinarum & Mechliniæ, vniuersis & singulis nostris locumtenentibus & Gubernatoribus in Ducatu nostro Lucemburgiæ, & cunctis alijs Iudicibus & Officiarijs nostris, ad quos id pertinebit, aut poterit pertinere, vel eorum loca tenentibus salutem. Cum ex iure nostri Ducatus Lucemburgiæ, nos Ecclesiæ & Abbatæ Sancti Maximini iuxta urbem Treuiris sitæ, simul & agrorum, prædiorum, censuum, Villarum, Reddituum, possessionum & bonorum quorumcunque eis pertinentium conseruatores & protectores simus, si-

gnifi-

gnificamus vobis nos in hac parte nostro Iure vsos, simul singulari deuotione, quam erga dictam Ecclesiam gerimus: eandem Ecclesiam & Abbatiam, eiusque Religiosos & supposita; simul eorum agros, prædia, census, villas ac redditus in capite & membris, eorumque famulos, Officiarios & ministros his litteris cepisse & posuisse, capere & ponere in nostra protectione & clientela speciali, duntaxat ipsarum personarum tuendarum gratia, nec non & Iurium conseruandorum. Quare his præsentibus vobis districtè præcipimus & mandamus, eosdem Religiosos ac supposita huius Abbatia tenere & conseruare, ex parteque nostri tueri, & seruari facere in cunctis eorum possessionibus, Iuribus, Immunitatibus, vsibus, libertatibus, vsucapionibus, in quibus reperietes eos esse, ac eorum prædecessores pacificè & antiquitus fuisse. Simul quoque vobis præcipimus illos custodire ac tueri, ex parteque nostri custodiri, tueriue facere ab omnibus iniurijs, violentijs, nocementis, oppressionibus, molestijs, vi armata, seculari potentia armatorum hospitio, & à cunctis alijs inquietationibus & nouitatibus indebitis; Quæ si in præiudicium huius nostræ clientelæ Religiosorum, subditorumue patrata esse, fuisseue sciatis, confestim, & sine morâ in integrum & primum statum reducatis & reponatis, reduci, reponiue faciatis, ac ob id satisfactionem condignam, & nobis & illis factam esse curetis, atque hanc præsentem nostram clientelam locis & personis, quorum interest, aut pro quibus vos interpellauerint, promulgari & intimari faciatis, in cuius signo ac documento, imminente periculo pallos & vexillulos insignijs armisque nostris insignitos super fores prædictæ Abbatia, prædiorum, proprietatum, possessionum & quorumuis bonorum ad eam pertinentium figere atque inseri faciatis. Inhibitionem & prohibitionem ex parte nostri cunctis nostris subditis, & alijs, quorum intererit, facientes, aut facere curantes, ne eidem Abbatia, eius Religiosis, subditis, Iuribus & rebus supra dictis quispiam noceant, contra eaue attemptent, nec quouis modo noceri attemptariue patiantur. Quum ad cuncta hæc promptius exequenda suprascriptis Religiosis, vel eorum ministris vnum, pluresve satellitum nostrorum, siquidem opus erit, & fueritis requisiti, eorum sumptu præteritis & deputeris, quibus nihilominus omnem causæ cognitionem prohibemus. Datum in Oppido nostro Brugenf. die vicesima secunda mensis Iulij. Anno Domini Millesimo, quadringentesimo, octuagesimo septimo, Regni verò nostri Regis secundo.

Per Dominum Regem

De Longueville.

51.

*Inuestitura prima, nomine & mandato Cæsaris & Imperij, data  
Ottoni Abbati S. Maximini ab Archiepiscopo Treu-  
uirensi, continens originem Commissionis Cæsareæ,  
Datum Anno MCCCCXCV.*

**O**TTO Abbas Monasterij Sancti Maximini extra muros Ciuitatis Treuiren-  
sis, Ordinis S. Benedicti, vniuersis & singulis præsentibus & futuris  
notum facimus, quod nuper patentes Serenissimi & inuictissimi Principis  
Domini nostri Maximiliani Romanorum Regis semper Augusti litteras